



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Economy

Broj: 07-07-04-7569-48/20  
Sarajevo, 03.04.2020. godine

**SKUPŠTINA KANTONA SARAJEVO**  
Služba za skupštinske poslove

**PREDMET: Odgovor na zastupničku inicijativu,-**

*Zastupnica Vildana Bešlija* je na 22. radnoj sjednici Skupštine Kantona Sarajevo održanoj dana 11.03.2020. godine, u okviru tačke dnevnog reda „Poslanička pitanja, inicijative i odgovori“, pokrenula zastupničku inicijativu: *“za izmjenu i dopunu Zakona o šumama Kantona Sarajevo objavljenog (Službene novine Kantona Sarajevo broj 05/2013).”*

**Odgovor:**

Čuvari šuma u Kantonu Sarajevu su uposlenici Ministarstva privrede – Uprave za šumarstvo i samim tim imaju status namještenika. Namještenici su svi oni koji su zaposleni u organima državne službe (od nivoa općine, grada, kantona i FBiH) na poslovima za koje se traži SSS ili VŠS. Status namještenika u Kantonu Sarajevo, ali i u cijeloj Federaciji Bosne i Hercegovine, regulisan je jedinstvenim *lex specialis* propisom Zakonom o namještenicima u organima državne službe u Federaciji Bosne i Hercegovine (*“Službene novine Federacije BiH”, broj 49/05*).

Dužnosti čuvara šume taksativno su propisane članom 58. stav (6) Zakona o šumama Kantona Sarajevo (*“Službene novine Kantona Sarajevo”, broj 5/13*), a to su:

- a) čuva šumu od šumskih požara na način kako je utvrđeno ovim zakonom i planovima zaštite šuma od požara,
- b) čuva šumu i šumska zemljišta od bespravnog zauzimanja i korištenja, od bespravnih sječa, sprječava bespravnu izgradnju u šumi i na šumskim zemljištima,



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1





- c) evidentira bespravno posječena stabla u propisane obrasce i obilježava ih,
- d) prati pojave i kretanje biljnih bolesti i štetočina i štete nanesene šumi od divljači,
- e) prati održavanje šumskog reda,
- f) sprječava nezakonito pokretanje drveta iz šume, ubiranje i sakupljanje nedrvenih proizvoda i stavljanje istih u promet,
- g) zaustavlja prijevozna sredstva, pregleda teret koji se prevozi i pregleda prateću dokumentaciju za prijevoz šumskih sortimenata,
- h) evidentira, obilježava i privremeno oduzima šumske drvne proizvode koji su stavljeni u promet u suprotnosti sa članom 24. ovog zakona.
- i) pregleda porijeklo drveta u pogonima za preradu drveta i na svim drugim mjestima gdje se drvo drži,
- j) pregleda sav transport na šumskim putevima,
- k) sprječava istresanje i deponovanje (odlaganje) smeća i drugog otpada u šumu i uništavanje graničnih znakova,
- l) sačinjava zapisnik o protivpravnoj radnji sa neophodnim podacima o izvršenoj radnji, izvršiocima i visini štete,
- m) obavezno legitimira sva lica zatečena u vršenju prekršajnih radnji po ovom zakonu i krivičnih djela koja se odnose na šume ili za koja postoji osnovana sumnja da su izvršila takva djela,
- n) obavezno obavještava Upravu za šumarstvo, policijsku upravu i šumarsku inspekciju o svim zapaženim nepravilnostima.

Zastupnica Vildana Bešlija u obrazloženju svoje inicijative navodi: "da za neprovođenje zaštite šuma nije propisana nikakva sankcija i Uprava, odnosno čuvari šuma nemaju nikakve odgovornosti za manjkavo čuvanje šuma".

S tim u vezi, ističemo da odgovornost čuvara šuma u slučaju njihovog protivzakonitog postupanja, kao i sankcije za takvo postupanje postoje.

Naime, isti po Zakonu o namještenicima u organima državne službe u Federaciji BiH za povrede radnih dužnosti i obaveza disciplinski odgovaraju. Prema članu 54. navedenog Zakona čuvarima šume mogu se izreći slijedeće disciplinske mjere i kazne i to:

1. za lahke povrede službene dužnosti izriču se disciplinske mjere:
  - opomena,
  - javna opomena;
2. za teške povrede službene dužnosti izriču se disciplinske kazne:
  - novčana kazna do 40% od osnovne plaće namještenika na period do šest mjeseci,



web: <http://mp.ks.gov.ba>  
 e-mail: [mp@mp.ks.gov.ba](mailto:mp@mp.ks.gov.ba)  
 Tel: + 387 (0) 33 562-121, + 387 (0) 33 562-122  
 Fax: + 387 (0) 33 562-226  
 Sarajevo, Reisa Džemaludina Čauševića 1





- *suspenzija prava na povećanje plaće u smislu člana 42. Zakona o namještenicima u organima državne službe u Federaciji Bosne i Hercegovine o u periodu od najviše dvije godine,*
- *prestanak radnog odnosa u organu državne službe.*

Pored toga, ako iste radnje imaju obilježja krivičnog djela onda isti snose krivičnu odgovornost i krivično odgovaraju prema odredbama važećeg Krivičnog zakona Federacije BiH i Zakona o krivičnom postupku Federacije BiH, te napominjemo da svako ima pravo, ali i dužnost da sve nezakonite radnje za koje smatra da su krivična djela prijavi Tužilaštvu Kantona Sarajevo.

Uzged rečeno, Tužilaštvo Kantona Sarajevo već skoro tri godine vodi istragu (počev od maja 2017. godine) protiv četiri čuvara šume, s tim da optužnica od Tužilaštva još uvijek nije ni podignuta, pa samim tim ni potvrđena od strane nadležnog suda. Ove čuvare šume je sud pustio iz pritvora u junu 2017. godine, ali su isti od strane ovog ministarstva preventivno suspendovani sa posla sve do pravosnažnog okončanja krivičnog postupka.

Ovo ministarstvo je od 2013. godine, to jest od trenutka kada je stupio na snagu Zakon o šumama Kantona Sarajevo, a zaključno sa 31.05.2019. godine protiv lica koja su zatečena u vršenju bespravnih radnji u šumi ukupno podnijelo 2.937 zahtjeva za pokretanje prekršajnog postupka i krivičnih prijava (*detaljan prikaz u tabeli ispod*).

Godina	Broj podnesenih zahtjeva za pokretanje prekršajnog postupka Općinskom sudu u Sarajevu	Broj podnesenih krivičnih prijava Tužilaštvu Kantona Sarajevo	Ukupno (kolona 2+3)
2013.	297	83	380
2014.	494	63	557
2015.	440	28	468
2016.	504	10	514
2017.	445	10	455
2018.	412	8	420
2019.	421	5	426
2020. (od 01.01. do 16.03.)	45	1	46
<b>UKUPNO</b>			<b>3.266</b>



web: <http://mp.ks.gov.ba>  
 e-mail: [mp@mp.ks.gov.ba](mailto:mp@mp.ks.gov.ba)  
 Tel: + 387 (0) 33 562-121, + 387 (0) 33 562-122  
 Fax: + 387 (0) 33 562-226  
 Sarajevo, Reisa Džemaludina Čauševića 1





Zastupnica Vildana Bešlija u obrazloženju svoje zastupničke inicijative također navodi da šumarska inspekcija ne može pokretati mjere prekršajne odgovornosti prema čuvarima šume.

Rješenje koje predlaže zastupnica Viladana Bešlija (novčano kažnjavanje čuvara šume od strane šumarskih inspektora putem izdavanja prekršajnih naloga) bilo bi krajnje anahrono i apsurdno sa brojnim negativnim implikacijama koje bi iz toga proizašle, a posebno uzimajući u obzir činjenicu da bi čuvari šuma kao namještenici ovog ministarstva bili očigledno diskriminirani i stavljeni u neravnopravan položaj u odnosu na sve druge namještenike, i to kako na namještenike u ovom ministarstvu, tako i u odnosu na sve namještenike u općinskim, gradskim, kantonalnim i federalnim administracijama. Veoma je bitno napomenuti, da u dosadašnjem bogatom iskustvu i praksi, niti jedan zakon o šumama koji su se kod nas primjenjivali nije nikad poznao mogućnost da šumarska inspekcija neposredno kažnjava čuvare šuma (Prijedlog Zakona u šumama FBiH koji je u parlamentarnoj proceduri također to nigdje ne predviđa), a što je činjenica koja sama po sebi već dovoljno govori. Također, nameće se pitanje da li u okruženju i šire postoji u Zakonu o šumama rješenje prema kojem šumarska inspekcija može neposredno novčano kažnjavati čuvare šuma. Ovom ministarstvu nije poznato da takvo rješenje bilo gdje egzistira.

Naposlijetku napominjemo da je ovo ministarstvo na istovjetnu zastupničku inicijativu zastupnice Vildane Bešlije broj: 16-01-05-18645-39/19 od 29.05.2019. godine već dalo Odgovor broj: 07-06-05-18645-39/19 od 24.06.2019. godine sa istom argumentacijom kao što je gore navedeno.

S poštovanjem,

MINISTAR

Draško Jeličić dipl. ecc

**Dostavljeno:**

1. Naslovu,
2. Vladi Kantona Sarajevo/Stručnoj službi Vlade KS (CD)
3. Evidenciji,
4. a/a.



web: <http://mp.ks.gov.ba>  
e-mail: [mp@mp.ks.gov.ba](mailto:mp@mp.ks.gov.ba)  
Tel: + 387 (0) 33 562-121, + 387 (0) 33 562-122  
Fax: + 387 (0) 33 562-226  
Sarajevo, Reisa Džemaludina Čauševića 1

